

**BOSNA I HERCEGOVINA  
FEDERACIJA BOSNE I HERCEGOVINE  
FEDERALNO MINISTARSTVO ENERGIJE, RUDARSTVA I INDUSTRIJE**

**I N F O R M A C I J A**  
**o tehničkoj ocjeni alternativnih ponuđača ključne opreme iz EPC Ugovora za  
izgradnju bloka 7 – 450 MW u TE Tuzla**

**Mostar, Juli 2022. godine**

Na 289. sjednici Vlade Federacije Bosne i Hercegovine, održanoj 04.11.2021. godine, Vlada Federacije Bosne i Hercegovine donijela je Zaključak V. broj: 1660/2021 u kojem je navedeno:

- (2) Zadužuje se JP Elektroprivreda BiH d.d. — Sarajevo da nastavi pregovore sa EPC Izvođačem s ciljem realizacije EPC Ugovora sa novim podizvođačima ključne opreme, uz obezbjeđenje najboljih uslova za JP Elektroprivreda BiH d.d. – Sarajevo i Federaciju Bosne i Hercegovine, uzimajući u obzir okolnosti koje su se u međuvremenu desile.
- (3) Zadužuje se JP Elektroprivreda BiH d.d. Sarajevo da oformi Stručni tim za pregovore sa EPC Izvođačem, koji će uključiti i nezavisnog konsultanta.
- (4) Rok za okončanje pregovora sa EPC Izvođačem je šezdeset (60) dana od imenovanja stručnog tima

JP Elektroprivreda BiH d.d. – Sarajevo je provela postupke javne nabavke za usluge tehničkog konsultanta za nastavak pregovora sa EPC Izvođačem s ciljem realizacije EPC Ugovora za izgradnju Bloka 7 – 450 MW u TE Tuzla i usluge pravnog konsultanta u vezi realizacije Ugovora o inženjeringu, nabavci i izgradnji – EPC Ugovor, za Blok 7 – 450 MW u TE Tuzla sa alternativnim podizvođačima ključne opreme te je za tehničkog konsultanta izabran Konzorcij ESOTECH d.d. Slovenija i HSE INVEST d.o.o. Slovenija, a za pravnog konsultanta izabrana je Grupa ponuđača: Advokatski ured Sanel Nezirić i Dimitrijević&Partners, Advokatsko ortačko društvo.

Generalni direktor JP Elektroprivreda BiH d.d. – Sarajevo je 04.02.2022. godine izdao Rješenje o formiranju Stručnog tima za tehničku ocjenu alternativnih podizvođača ključne opreme EPC Ugovora za izgradnju Bloka 7 – 450 MW u TE Tuzla, koji uključuje i nezavisnog konsultanta. Izvještaj Konsultanta za tehničko – tehnološku ocjenu alternativnih podizvođača dostavljen je JP Elektroprivreda d.d. – Sarajevo 17.05.2022. godine, a Izvještaj o radu Stručnog tima za tehničku ocjenu alternativnih ponuđača ključne opreme iz EPC Ugovora za izgradnju Bloka 7 – 450 MW u TE Tuzla završen je 19.05.2022. godine te se isti nalazi u prilogu ove Informacije.

Na osnovu pregleda dostavljene dokumentacije od strane EPC Izvođača za predložene alternativne podizvođače ključne opreme (kotao, turbina i generator) iz EPC Ugovora za izgradnju Bloka 7 – 450 MW u TE Tuzla, Stručni tim smatra da predloženi podizvođač za projektovanje, izradu i ugradnju kotla SBWL trenutno ne zadovoljava zahtjeve iz tendera i EPC Ugovora, jer se iz dostavljene dokumentacije ne može nedvosmisleno zaključiti da li isti posjeduje znanje i iskustva na izgradnji postrojenja za kotao ložen lignitom u prahu koji su neophodni za uspješnu realizaciju Projekta.

Uprava Društva, na 184. sjednici održanoj 31.05.2022. godine i Nadzorni odbor Društva na 84. sjednici održanoj 06.06.2022. godine su donijeli sljedeće zaključke:

1. Usvaja se Izvještaj o radu Stručnog tima za tehničku ocjenu alternativnih ponuđača ključne opreme iz EPC Ugovora za izgradnju bloka 7 – 450 MW u TE Tuzla broj 07-14328-1/2022 od 20.05.2022. godine, sa dopunama Koordinacionog tima za realizaciju Projekta izgradnje Bloka 7 — 450 MW u TE Tuzla od 26.05.2022. godine.
2. Prihvataju se zaključci Stručnog tima za tehničku ocjenu alternativnih ponuđača ključne opreme iz EPC Ugovora za izgradnju bloka 7 – 450 MW u TE Tuzla, da je na temelju tehničke ocjene dostavljene dokumentacije utvrđeno da alternativni podizvođači ključne opreme (kotao, turbine, generator), predloženi aktom EPC Izvođača broj TZ7-006-001-GM/G-LET-21-0002 od 29.01.2021. godine i aktom broj TZ7-006-001-GM/G-LET-21-00026 od 10.09.2021. godine, ne ispunjavaju uslove iz tenderske dokumentacije i EPC Ugovora i nisu dokazali da mogu realizirati tehničko — tehnološko prihvatljivo rješenje, te da isti ne mogu biti prihvaćeni.
3. Odbija se prijedlog novih alternativnih podizvođača ključne opreme i pozvati EPC Izvođača da realizuje EPC Ugovor koji je potpisan 27.08.2014. godine sa pripadajućim aneksima 1-13, bez izmjene podizvođača.
4. Izvještaj o radu Stručnog tima za tehničku ocjenu alternativnih ponuđača ključne opreme iz EPC Ugovora za izgradnju Bloka 7 - 450 MW u TE Tuzla broj 07-14328-1/2022 od 20.05.2022. godine, sa ovim zaključcima Uprave Društva i Nadzornog odbora Društva, putem Federalnog ministarstva energije, rudarstva i industrije, dostaviti Vladi Federacije BiH na saglasnost.
5. Po dobijanju saglasnosti Vlade Federacije BiH (i Parlamenta Federacije BiH po ocjeni Vladi Federacije BiH), JP Elektroprivreda BiH d.d. – Sarajevo će obavijestiti EPC Izvođača o neprihvatljivosti alternativnih podizvođača ključne opreme i pozvati ga da realizuje EPC Ugovor od 27.08.2014. godine sa pripadajućim aneksima 1-13, bez izmjene podizvođača.
6. U slučaju da EPC Izvođač i nakon 3 (tri) pismene opomene ne ispuni svoje obaveze koje proizilaze iz EPC Ugovora, JP Elektroprivreda BiH d.d. – Sarajevo će obavijestiti Vladu Federacije BiH da su se stekli uvjeti za raskid EPC Ugovora. Nakon saglasnosti Vlade Federacije BiH i Parlamenta Federacije BiH (po ocjeni Vlade Federacije BiH), JP Elektroprivreda BiH d.d. – Sarajevo će, u skladu sa članom XVIII tačka 18.6.2. EPC Ugovora, raskinuti EPC Ugovor, uz preduzimanje svih mjera i aktivnosti na zaštiti interesa JP Elektroprivreda BiH d.d. – Sarajevo.

U skladu sa prethodno navedenim Federalno ministarstvo energije, rudarstva i industrije predlaže Vladi Federacije BiH na razmatranje i usvajanje sljedeći:

### ZAKLJUČAK

1. Vlada Federacije BiH usvaja Informaciju Federalnog ministarstva energije, rudarstva i industrije o tehničkoj ocjeni alternativnih ponuđača ključne opreme iz EPC Ugovora za izgradnju bloka 7-450 MW u TE Tuzla.
2. Vlada Federacije BiH prihvata prijedlog JP Elektroprivreda d.d. – Sarajevo da se odbije prijedlog novih alternativnih podizvođača ključne opreme, te da se uputi poziv EPC Izvođaču da realizuje EPC Ugovor koji je potpisan 27.08.2014. godine sa pripadajućim aneksima 1-13, bez izmjene podizvođača.
3. Vlada Federacije BiH zadužuje JP Elektroprivreda BiH d.d. – Sarajevo da u slučaju nemogućnosti nastavka realizacije Ugovora od strane EPC Izvođača o tome obavijesti Vladu Federacije BiH i zatraži saglasnost za raskid Ugovora po ispunjenju svih formalno – pravnih uslova, a u cilju zaštite interesa JP Elektroprivreda BiH d.d.- Sarajevo i Vlade Federacije BiH.
4. Ovaj zaključak stupa na snagu danom donošenja.

Te da Vlada Federacije BiH, na osnovu svojih nadležnosti, uputi Informaciju o tehničkoj ocjeni alternativnih ponuđača ključne opreme iz EPC Ugovora za izgradnju bloka 7 – 450 MW u TE Tuzla Parlamentu Federacije BiH na razmatranje i usvajanje kao i sljedeći:

## ZAKLJUČAK

1. Parlament Federacije BiH usvaja Informaciju o tehničkoj ocjeni alternativnih ponuđača ključne opreme iz EPC Ugovora za izgradnju bloka 7-450 MW u TE Tuzla broj 10-15690-1/2022 od 06.06.2022. godine.
2. Parlament Federacije BiH prihvata prijedlog JP Elektroprivreda BiH d.d. – Sarajevo da se odbije prijedlog novih alternativnih podizvođača ključne opreme, te da se uputi poziv EPC Izvođaču da realizuje EPC Ugovor koji je potpisan 27.08.2014. godine sa pripadajućim aneksima 1-13, bez izmjene podizvođača.
3. Parlament Federacije BiH zadužuje JP Elektroprivreda BiH d.d. – Sarajevo da u slučaju nemogućnosti nastavka realizacije Ugovora od strane EPC Izvođača o tome obavijesti Vladu Federacije BiH i zatraži saglasnost za raskid Ugovora po ispunjenju svih formalno – pravnih uslova, a u cilju zaštite interesa JP Elektroprivreda BiH d.d.- Sarajevo i Vlade Federacije BiH.
4. Ovaj zaključak stupa na snagu osmog dana od dana objavljivanja u „Službenim novinama Federacije BiH,“.